



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Homo vitiosus & hæreticus.

[urn:nbn:de:hbz:466:1-68709](#)

que se fortuna obtulerit, ita animum applicare. Quò pertinet illud Graecorum adagium: πολύποδος ροῦχος: Polypi mentem obtine. Quo jubemur, pro tempore alios atque alios mores, alium atque alium vultum sumere; nam piscis hic cuicunque petrae adhaeserit, eius colorem corpore imitatur, ne queat deprehendi. Unde versus:

Se quibus admovit, saxa colore refert.

Absit autem hinc fœda adulatio omnibus assentandi: aut fluxa fides ex ancipiti temporum mutatione pendens; quos homines Sacra scriptura Stultos vocat, instar Lune mutabiles. Sed indicatur honesta quædam ratio, quâ viri boni, nonnunquam alienis moribus obsecundant, ne vel odiosi sint, vel prodesse non possint: aut ut è magnis periculis semet, aut suos eximant. Quemadmodum fecit Ulysses apud Polyphemum multa simulans; apud procos mendicum agens; unde ab Homero vocatur πολυτρόπος, multiformis, multiplex; quod pro re nata sciret se in omnes fortunas ac rationes vertere. Ita Brutus stoliditatem & David insaniam simulavit. Quin D. Paulus Apostolus sanctâ quadam astutiâ gloriatur, quâ omnibus omnia factus fit, ut omnes Christo lucrifaceret.

III. (c) Quamquam nihil vetat in notandis vitiis usum adagii, mutationesque Protei, quod indicavimus, latius trahere, nempe in homines versatili quodam ingenio natos, qui talem ubique per sonam induunt, quales sunt ii, cum quibus contingit agere. Quod genus eleganter describit Plautus in Bacchidibus: Nullus, inquiens, frugi esse potest homo, nisi qui bene & male facere tenet. Improbus cum improbis sit: harpaget, cum furibus furetur, quod queat. Versipellem frugi convenient est hominem, pectus cui sapit; bonus sit bonus, malis sit malus. Vt cuncte res sit, ita animum habeat. (d) Proteum etiam Clemens Alex. lib. 3. Pædag. traducit ad homines omni vitiorum genere imbutos. Et sane convenienter. Nam quot scelera pectus insident, tot in eo bestiae stabulantur, & terribili vagitu, fremituque ferociunt. Et sicut ignis & aqua insitis dissidiis pugnant invicem, ita virtus inter se discordia, infestant & exagitant pravum animum, nec quiescere sinunt, qui jam flammæ instar in audaciam & iram exardescit: mox instar unde mollitie & luxu difflit; jam in arborum fructiferam per meliora proposita assurgit: mox in lapidem per socordiam & ignaviam iaduresscit.

IV. (e) S. Hieronymus Jovinianum lib. 2. Proteum vocat. *Quis enim nescit hereticorum astutias & fallacias in opinionum varietate ac incon-*

stantias?
(c) *Sycophanta pseudopoliticus.* (d) *Per Proteum homo vitiatus significatur.*
(e) *Item hereticus.*

stantia? De quibus Apostolus 1. Tim. 6. Occupantur circa questiones & pugnas verborum; ex quibus oriuntur invidiae, contentiones, blasphemie, suspicioneis male, conflictiones hominum mente corruptorum, & qui veritate privatisunt, existimantium quantum esse pietatem. Dum scilicet falso Religionis veræ prætextu novas sectas & doctrinas comminiscuntur, & eas simplicibus non sine quæstu improbitatis ingerunt; de quibus repeti possit, quod M. Tullius in 2. Philipp. M. Antonio objecit, qui duo millia jugerum campi Leontini Sext. Clodio Rhetori assignavit, & quidem immunia, ut pro tanta mercede nihil sapere disceret. Proteo sanè, & polypo quam simillimi sunt Novatores isti, qui in omnes se colores vertunt, præter rubrum & album: nam nec fronte erubescere, nec pectore sincero candescere possunt. Negando, ajendo, omnes formas assumunt, & contrariis inter se dogmatibus ac opinionibus configunt. Quorum hoc opus unicum, ut captiosis, ambiguis, implexis, fallacibus verbis, ratiociniis, tergiversationibus illaqueent & decipient auditorem, & mille cavillationibus evertant ac pervertant doctrinam sanam. Quibuscum frustra clamando certes, nisi eos ad disputandi formam, legémque revokes, & quasi quibusdam Dialecticæ vinculis (quam ipsi cane peius & angue oderunt) constringas (quod Aristæus Proteo fecit) itaque premas, ut se movere non queant, coganturque verum vel inviti fateri: non absimiles orcinis spiritibus, à quibus nolentibus adjurations Ecclesiæ veritatis confessionem extorquent. Contra eiusmodi hostes, tot formis varios, tot dolis versipelles, tot mendaciis versatiles, non expeditum est pugnare. Contra juvenem te instruis; quid facies si invenieris Leonem? Leoni cogitas occurtere, obviām fit tibi aper. Hostem te putas manibus tenere? Lubricum tenes anguem. Si contra anguem baculo te armas, mox anguis iste in taurum excrescit, & baculo tuo cornua obvertit. Securim stringis, ut taurum ferias? mox vertitur in saxum, & lapidem feris, qui aciem ferri tui obtundat; sed & alia instruis contra lapides arma? In ictu oculi fit arbor, ut lignum sit, quem lapidem esse existimasti. At contra lignum cum igne venis? Iterum in castrum: nam ignem igne non perdes, vertitur enim Proteus etiam in ignem. Ergo superest, ut aquis ignem interficias. Sed & dum fers aquam, aquam invenis, in quam ignis repente est commutatus. Quid igitur aquam aquæ addes? Tantum est negotium in varietate fraudum & mendaciorum, non hæreticorum tantum, sed etiam Pseudopoliticorum, & omnium illorum, qui verutiis, fallaciis, officiis, vaframentis, logis, fucis os aliis sublinere gaudent.